

www.BibleForChildren.org

MATEO 8



Aaduwaawä anoototo ai jötaanä soto cönnöa'to Caná ña, yää Caadideea nono de'wono jata. Yäätä Jesuuquidiito dhenö cönä'jaacä. Jesuuquidiito mmaja, ñoowanoomadö mmaja cönaata'dejjajoicho dea jötaanä tödöödö döiña.



Yaawä yoocödööcomo chääjedöödö eccudu
wataamea'jäcä Jesuuquidiito dhenö cönä'döaacä
chäwwä: —Chääjedöödö eccudu nataamei; quee.
Yaawä Jesuuquidiito dhenö cönä'döaacä äwanshi
ecaamonnamo wwä: —Tödöötäcä tameedä
ñaanontädö woije; quee cönä'döaacä.



Yaawä Jesuuquidiito cönä'döaacä
äwanshi ecaamonnamo wwä: —Tuna
ewöötö adö'tätäacä tuna que.
Tönwanno cönaadö'toicho tu'que.



Yaawä Jesuuquidiito cönä'döaacä: —
Anaanöntäcä eduuwa tuna ewöötö
acanno; adäätäcä äwanshi ejoodödö
edhaajä wwadäädä; quee cönä'döaacä.
Tönwanno cönnöicho ñaanontä'jödö
woije.



Ñäädä äwanshi ejoodödö edhaajä cönoonejai yää
chääjedöödö eccudu, tunaaje awa'de cönä'ja'dö. Töwö
dhowaanäcä'da cönä'jaacä
tunaaje yei'jödö. Ñanno
mmaane, tuna
eiñamo'jödö mmaane
dhowaanäcäiñe
cönä'jaacä.



Yaawä äwanshi ejoodödö edhaajä cöna'dejjai ñäädä
tjöötaamö; cönä'döaacä chäwwä:

—Soto wocöödöcoomo
chääjedöödö eccudu
ecaamodö töweiye nai
aashichaato awa'de; yää
'jeje jeene, a'dejja'como
wwä
enga'jäcä
jeene
aashichamjönöiche
mma
ecaamodö.



Amäädä mmaane chääjedöödö eccudu aashichaato medeemuntäi eduuwa tängemööje; quee cönä'döaacä äwanshi ejoodödö edhaajä.




Yää cönä'jaacä awa'deeto täneemö Jesuuquidiito wwä
tödöödö. Yää cönnöi Caná ña,
Caadideea ñano jataawä.
Yää tödöödö que töwö
täjäädudu cöneenejoi;
ñoowanoomadö
cöneecamjöicho yaawä.



Yaaje mma yaawä Peedhodo mmai
chaca Jesuuquidiito womonga'jäcä,
yo'jödö cöneedantäi tä'wötö jo,
wedö'näje.



Yaawä Jesuuquidiito dhamäädö cönaajojoi. Eccö'da Peedhodo wo'jödö cönä'döi yaawä. Töwö cönammöi; chääwanshiñööcomo cöneejodöi yaawä.




Yaawä cho'momöödawä, tööje yä'döa'jäcä,
Jesuuquidiito döiña soto cönne'a'to tameedä
cädäija'como, odo'sha
'ja'como mmaja.
Tameedä yää
jataawoncomo
cöne'jummaicho
mönaatajo.



Töwö Jesuuquidiito cönaadoncaicho jooje
cädäija'como, anejjeja'como chädäichöcoomo.
Jooje odo'shancomo mmaja cömja'canö'joicho dea.
Töwö odo'shancomo ana'deujotäiñe'da cönä'jaacä,
dhowaanäcäiñe töweijäcä.



Tameedä ñanno jooja'como soto Jesuuquidiito
ajoojo'se cönä'ja'to, ijäädudu töweeja'ca yeijäcä,
tameedä yaadoncato'comooje.




Yaawä cöneejoto dea aacäichea dhanwaacomo,
secumjato dha'me.



Tönwanno Jesuuquidiito döiña
ä'döjai'cha cönä'ja'to, jooje soto
yeichomjäcä. Yääje yeijäcä
maa cöninwa'tocaicho
Jesuuquidiito ejoodhe.



Yää ai cöneenö'toicho ñäädä
cädäijato, chä'wötö joodä.



Chäwwäiñe täcamjödö eneea'jäcä Jesuuquidiito
cönä'döaacä cädäijato wwä:

—Dhanwa,
ocoone'nadiiyö
täncwanno'jo na;
quee cönä'döaacä.

—Äwwä yääje
wä'döa, aanöncä;
adhe'wötö adäacä;
ämmai chaca
äjääne; quee
cönä'döaacä.



Jesuuquidiito wä'ta'jäcä cudiiyada aca ñoowanoomadö
mmaja cönä'toicho inchäcä.
Cönääma'toicho yaawä. Yääje
mma yaawä jejeichä
cönaajäntäi, joojato.
Cudiiyada cönaadö'taacä
madaataca que.
Jesuuquidiito mmaane
wönö'näje cönä'jaacä.



Jesuuquidiito cönä'döaacä: —¿Ane'que'nei tösaade maato dea? ¿She'caasa mma ca aneecamjödööcomo nai? quee. Yääje mma yaawä töwö cönammöi.

Jejeichä cöneedennanö'joi, tuna mmaja.

Tameedä uncwe'da cönä'jaacä yaawä. Ñanno chääjadoncomo

cönääcatoncaicho

yaawä; cönä'döa'to:

—¿Änääcöömääne määdhä? Jejeichä

jadä'jödöödä dha'deddu

töneeta, tuna mmaja;

quee cönä'döa'to.



Wanaadi tameedä soto cumjumma'to
jooje, chääjäcäinchädäiñe Tönnedö
yäätonno 'jemjönö tu'ene'jödöödä.
liñedö ecaanö'nei ännamjö'da
na'de, yeichö töwaatamemjönö
töweiye na.



DOMAANO 3:23 Tameedä soto conemjönö cönnöicho;
aashicha Wanaadi weichö nöng'e töweicho'como
ejoodöjai'cha naato.

DOMAANO 6:23 Conemjönö tödöödö nääjema wäämanä
que. Wanaadi nutuudu aashichaato mmaane yää, weiñä
yeichöödoto, Cädhaajotoncomo Jesuuquidiito jäcäinchädä.

EEWEDEO 9:27 Soto wäämatoojo ecammaajä na tooniye
mma, yää 'jeje yäätämmencajootojo.

EUJESIYO 2:8,9 Aashicha Wanaadi weichö woijeene
töwääwanaaca maato, ecamjödö que, änwanno aashicha
aweichöcoomo jäcäinchädä'da, Wanaadi nutuudu
woijeene. Tödöödö jäcäinchädä'da wääwanaacanä
töweiye nai; yääje yeijäcä anejja o'jodhe
chö'tajä'jai'cha na mädä jäcä.



DOMAANO 10:9,10 Äntadö que äwwä ecammajä'a'jäcä Jesuuquidiito Cajiichaanaje yeichö, ätö'tajäätödö que ecaanö'a'jäcä mmaja Wanaadi wwä yäämaajo jonno adonca'jödö, yaawä töwääwanaaca ma'de.

Tötö'tajäätödö que ecamjödö töweiye nai, Wanaadi jadoonoje töwä'döjoodö wetä, töntadö que 'quene töneecanö'e töweichö wääcammanä nai, töwääwanaacadö wetä.

JUAN 3:16,17 "Wanaadi tameedä soto cumjuma'to jooje, chääjäcäinchädäiñe Tönnedö yäatonno 'jemjönö tu'ene'jödöodä. liñedö ecaanö'nei ännamjö'da na'de, yeichö töwaatamemjönö töweiye na.

Wanaadi Tönnedö cönaanontäi edä nono de'cäi tameedä soto ennanö'caiñe'da, ewaanacaiñeene.



1 JUAN 5:11-13 Edä yää cöwwäiñe Wanaadi
necamma'jödö: Töwö liñedö ecamjödö jäcäinchädä
cöweichöcoomo töwaatamemjönö cönä'tui cöwwäiñe,
Wanaadi nutuudu.

Ñäädä Wanaadi nnedö 'jano töweichö nenenea'de. Ñäädä
Wanaadi nnedö 'jemjönö mmaane töweichö aneene'da
na'de.

Edä wimennäi äwwadäädäiñe änwanno Wanaadi nnedö
ecaanö'nnamo, odhoowanäácäiñe yeichö wetä
töwaatamemjönö weiñä 'je aweichöcoomo.



MATEO 8-9; MAADOCO 1-2, 4; DUUCA 4, 8;
JUAN 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Maquiritari (mch) © 2014 Reservados todos los derechos

<https://www.bible.com/en-GB/bible/2981/MAT.1>

©2025 Bible for Children, Inc.

www.M1914.org

www.bibleforchildren.org

